



Ekuatiso Liatunda Kovailu

Wasoneha Watson Goodman

**Liocali—
Haliokulandisa Ko**

EKUATISO LIATUNDA KOVAILU

“EKUATISO LIATUNDA KOVAILU” ovinimbu viondaka yikola vianoliwa olombangu vialua vio v’embimbiliya. Ndakolela siti elivulu liapopia ciwa ondaka yikola te embimbiliya Muele.

Ondaka ya Suku “Yatunda Kovailu” kuenda oyo ondaka yikuatisa ocili ovitima vikasi lonjala kuenda enyona liesunga. Eci omunu alikekembela akandu, waimba onyima kakandu lokukolela lutima waye vu Yesu Kristu nd’upopeli Nāla olimolehisa eye muele kokuaye lokukapa esanju kuenda ombembua vutima waye. Ame ndacimuile vo 1937, oco sia la litepa kuwa wokulisikama la Nāla toke etali. Love ndakuvetiya oco oliece kokuaye ndu popeli wove kuenda i Nāla yove, nda handi kua liecele ale.

—Watson Goodman (1920-2002)

OCISOLA CA SUKU

1

Yoano 13:1

Oco, osimbu ofesta yo Pascoa ka ya fetikile, Yesu wa kûliha ale okuti ekumbi liaye lioku tunda voluali lulo ha endi ku Isia, lieya. Ava va kala vaye muêle voluali lulo wa va sola, kuenje wa va sola muêle toke kefulilo.

Esitululo 1:5

Kuenda ku Yesu Kristu, eye ombangi yocili, haeye nuñulu yava va fa, kuenda eye ombiali yolosoma viokilu lieve. Ku-u o tu sole kuenje wa tu pandulula kakandu etu losonde yaye.

Yoano 3:16

Omo Suku a sola ndoco oluali, oco a ecela Omôlaye wongunga

okuti wosi u kolela ka fi, puai o mola omuenyo ko pui.

Va Roma 5:8

Puâi Suku wa tu muisa ocisola caye okuti, osimbu tua kala vakuakandu oco Kristu a tu fila.

Yeremiya 31:3

Oco Yehova wa limôlêhisa kokuaye ndaño wa kala kupâla. Nda ku sola locisola ka ci pui, oco nda tongekela love lovilinga viosisola.

Efeso 2:4, 5

Puâi, omo Suku ukuahenda ya lua wa tu sola ca lua, ndaño tua file lakandu, oco wa tu iha omuenyo kumue la Kristu. Wa popelui locali.

I Timoteo 3:16

Tua tava okuti, ocili muële, oku-longa kuondaka yi kola yetavo li koka oku tuwa nda Suku, ku komohisa. Eye wa tukuluisua le-timba. Wa tetuluiwa le Espiritu okuti ukuesunga. Wa muiwa lo-vangelo. Wa sapuiwa ku vakua-lofeka. Wa taviwa kilu lieve. Wa tambuiwa kilu kulamba.

Mateo 1:22, 23

Eci cosi ca lingiwa okuti ondaka ya Nala, yina ya popia uprofeto, yi lingiwa, yokuti: Tala, ufeko o mina, o cita omôla ulume, kuenje u luka Emanuele, ca lomboloka citi, Suku kumue letu.

Yoano 14:9, 10

Yesu wo pula hati, A Filipu, osimbu yosi eyi nda kala lene haimo ku nji? U wa mola ame haeye wa mola Isia, oco o popia ndati, huti, Tu lekise Isia? Kua kolelele hē okuti ame ñasi mu Isia, kuenje Isia o kasi vokuange?

Yoano 1:1, 14

Kefetikilo Ndaka wa kala ale, kuenje Ndaka wa kala kumue la Suku, Ndaka haeye Suku. . . . Oco Ndaka wa linga omunu, kuenje wa tunga pokati ketu, yu we yua ocali locili. Tua mola ulamba waye. Ulamba waco ulamba wa Môla wongunga wa Isia.

YESU OMOLA A SUKU

3

I Yoano 4:15

Wosi o tava okuti Yesu eye Omōla a Suku, Suku o kala vokuaye, leye o kala vu Suku.

Va Kolosai 2:9

Momo okuyuka kuosi kua Suku ku kasi vu Kristu.

Isaya 9:6

Momo omōla wa tu citilua, omōla ulume wa tu ihīwa, kuenje uviali u kala kovitāi viaye. Onduko yaye, o tukuiwa Cikomo, Ndunguli, Suku Eye Fū, Isia kapui, Soma yombembua.

Luka 1:35

Ungelo wo kumbulula hati, Espiritu Sandu o ku wila, lunene

wa Tōlo u ku tuvika. Oco omōla o citiwa o tukuiwa O kola, eye Mōla a Suku.

Mateo 17:5

Osimbu a kala loku popia elende lia nina lia va sikilila; kuenje tala, velende mua tunda ondaka yiti, U, Omōlange wa soliwa, haeye nda sanjukila. U yeveleli.

Yoano 1:33, 34

Ame muēle sio kūlihile, puāi, u wa numa oku papatisa lovava wa popia lame hati, U u moli okuti Espiritu u lokila kuenje u wila, eye o papataisa le Espiritu Sandu. Yu nda ci mola, kuenje nda imba uvangi okuti u, Omōla a Suku.

Yoano 8:23

Kuenje eye wa popia lavo hati, Ene wakuaposi, ame ndukuakilu. Ene wakualuali lulo, ame siukualuali luloko.

Yoano 11:25

Yesu wa popia laye hati, Ame ndipinduko haime ndimuenyo. U o ñolela, ndaño o fa, haimo o kala vali lomuenyo.

Vu nukola hoti, Ulongisi, kuen-da Ñala, kuenje vu popia ciwa, momo ame. —Yoano 13:13

Yoano 6:35

Yesu wa popia lavo hati, Ame ndimbolo yomuhenyo. U iya kokua-nge ka kuata onjala, lu o ñolela ka yevi vali enyona.

Yoano 9:5

Osimbu ñasi voluali, ame ndi-cinyi coluali.

Yoano 8:58

Yesu wa popia lavo hati, Ndu sapuili siti, Ocili, ocili, osimbu Avirahama ka citiwile, ame, ame u.

Yoano 10:7

Oco Yesu wa popia vali lavo hati, Mopia lene siti, Ocili, ocili, ame nduvelo wolomeme.

Ukâi wa popia laye hati, Ndi ci okuti Mesiya, una wa tukuiwa Kristu, iya. Eci eya o tu sapuila ovina viosi. Yesu wa popia laye hati, Ame muêle ñasi loku popia ndeti love. —Yoano 4:25, 26

OVIKOMO VIMUE YESU ALINGILE

5

Oco wa sapuila omanu oku tumala kowangu. Oku tambula olombolo viaco vitālo lolosi vivali wa imba ovaso kilu kuenje wa vi panduila. Noke wa vi timbula loku eca olombolo kolondonge viaye, kuenje olondonge via vi eca komanu. Yu va lia vosi kuenje ve kuta. Kuenje va nolapo ekui liovitenge kovitenge vivali vie yuka ovimalañanya via supapo. Ava va lia va tēla olohūlukāi vitālo vialume, akāi lomāla ka va tendiwile.

—Mateo 14:19-21

Luka 5:5, 6

Simono wa kumbulula hati, A cime cange, uteke wosi tua likavisa ño, lacimue tua kuata, puāi

londaka yove ndowisa awanda. Oku ci linga va kuata ocitundo ca lua colosi. Kuenje omo awanda avo a soka oku tepa.

Mateo 20:30, 34

Olomeke vivali via tumala kohulo yonjila. Eci va yeva okuti Yesu o kasi loku pita oco va vili-kiya vati, A Ñala, a Mōla a Daviti, tu linge ohenda. . . . Oco Yesu, oku va kuatela ohenda, wa lamba vovaso avo, kuenje haico va letuluka, yu vo kuama.

Oco vo nenela omunu o kuetiwe locilūlu, haeye omeke. haeye ocitende. Yesu wo kayisa okuti u wa kaile ocitende wa popia kunda wa letuluka.

—Mateo 12:22

YESU KRISTU EYE UTUNGI KUENDA EYE ÑALA

Va Heveru 1:2

Suku ... koloneke vilo via sulako puâi, wa popia letu l'Omôlaye, una a nola ha lingi kapiñala kovina viosi, haeye a lulika laye oluali.

Va Roma 14:9

Momo, eci Kristu a fila, leci a kasilili vali lomuhenyo, ceci okuti, o linga Ñala yava va fa lava va kasi lomuhenyo.

Va Kolosai 1:16

Momo ovina viosi via sovuiwila vu Kristu. Ovina viosi viokilu, levi vioposi, evi vi muiwa, levi ka vi muiwa, ci kale ovialo violosoma viosi, pamue ovoviali, ci kale

ovosoma, ci kale olombiali,—viosi eye wa vi lulikisa, haeye vio lulikiwila.

Yoano 1:3

Ovina viosi via lulikiwa laye, nda haeyeko nda lacimue ca lulikiwa.

Ovilinga 2:36

Oco, epata liosi lia Isareli li limbuke okuti ocili, u Yesu, una ene wa valeli kekulusu, Suku wo lingisa Ñala kuenda Kristu.

I Va Korindo 1:9

Suku, u wo kovongeli kongongela y'Omôlaye Yesu Kristu Ñala Yetu, ukuacili.

YESU KRISTU EYE ONGANJI YAVOSI

7

Va Roma 14:10

**Ove, nye o pisila manjove?
Pamue nye o pambuila manjove?
Momo etu vosi tu talama vekanga
lia Suku.**

Mateo 25:32

**Kuenje olofeka viosi vi konge-
lua kokuaye. Oco omanu vaco o va
tepa pokati okuti va likaila, ndeci
ungombo a tepa olomeme loloho-
mbo.**

Va Roma 2:16

**Keteke Suku a tetuluila ku
Kristu Yesu ovina viomanu viu-
yombeki ndondaka yiwa ñunda
ñunda.**

Yoano 5:22

**Momo Isia ka tetuluila umue,
puãi omoko yosi yoku tetulula wa
yi eca ku Mōla.**

II Timoteo 4:1

**Hu lunguila kovaso a Suku lo
kovaso a Kristu Yesu, u o tuku-
luka oku viala kuenje o tetuluila
ava va kasi lomuenyo lava va fa,
siti.**

Ovilinga 10:42

**Kuenje wa tu usika hati, Ku-
ndili omanu. Imbi uvangi okuti
ame, ame u Suku a tukuila oku
linga onganji yava va kasi lomue-
nyo lava va fa.**

Yoano 10:9

Ame nduvelo, nda umue o pita vuvelo waco okuti vokuange, o popeliwa, iñaila, o tunda tunda, kuenje o sanga ulio.

Yoano 14:6

Yesu wa popia laye hati, Ame ndinjila, haime ndicili, haime ndimuenyo. Lomue iya ku Isia, te lame.

Yoano 8:24

Ndo sapuili ale siti, Vu fa lakandu ene, momo vu fa muële lakandu ene nda ko ci kolela okuti ame ame muële.

Va Heveru 5:9

Eci a kanguisua wa linga ono yeyovo ka li pui lia vosi vo pokola.

Va Heveru 7:25

Oco, toke koloneke ka vi pui, Yesu o tēla oku popela olumue ava va kokela ku Suku poku kolela Yesu, momo o kasi hū lomuenyo oku va livondelelako.

Ovilinga 4:12

Omo vemi lilo ka muli onduko yikuavo ya eciwa komanu okuti tu popeliwa layo, oco epopelo kumue wiñi ka kuli.

Va Roma 3:23, 24

Vosi va linga akandu, kuenje va lipumbisa ulamba wa Suku. Cilo puai, omo Suku wa eca Omōlaye Yesu Kristu, lomo eye, Yesu Kristu, a pesela osonde yaye ha lingi ocimuenyo cava va kolela.

EYOVO LIKASI VU KRISTU

9

Luka 19:10

Momo Mōlomanu weyilila oku sanda eci ca nyelela loku ci popela.

Va Kolosai 1:12-14

Tu vu likutilila okuti wimbi olupandu ku Suku Tate, una wa tu angiliyila oku tambula onepa yetu yocipiñalo covocinyi ca tepiwila olosandu. Wa tu popela kuviali woweleva. Wa tu sondoluila kuviali w'Omōlaye wa soliva. V'Omōlaye omu tu kuetele eyovo, olio ongecelo yakandu.

I Va Korindo 1:30

Eye ono yomuenyo wene vu Kristu Yesu, una Suku a lingisa

olondunge vietu, lesunga lietuv, lokukola kuetu, leyovo lietuv.

Tito 2:14

Eye Yesu wa liecela ha tu yovola keviho liosi, loku lisokiyila omanu va yelisua, ha va lingi omanu vaye muēle, haivo vakuambili yokovilinga viwa.

Esituluvilo 5:9

Va imba ocisungo cokaliye, vati, Ove wa sesamela oku tambula ociña, loku situlula asitikilo aco; momo wa pondiwa, kuenje wa yovola omanu losonde yove, noke wa va nena ku Suku. Omanu va yovuiwa va tunda kapata osi, lo kalimi aiñi aiñi osi, lo kovositue osi, lo kolofeka viosi.

Va Roma 5:9

Oco, omo cilo tua tendiwa nda vakuesunga losonde yaye, ca piála vali tu popeliwa laye konyeño ya Suku.

Va Efeso 1:7

V'Omôlaye, okuti vosonde y'Omôlaye, omo tu kuetele eyovo longecelo yakandu. Via tunda koku-
kulua kuocali caye.

Va Heveru 9:14

Siti, ca piála vali enene, osonde ya Kristu yi yelisa ovitima viene, okuti vi pua ovilinga viokufa ene ho vumbi Suku o kasi lomuenyo? Espiritu ka li pui lia linga Mi-

takati eci Kristu a lilumba ku Suku, kuenje wa lilumba tupu wa pua eko.

I Yoano 1:7

Puâi, nda tu endaila vocinyi, ndeci eye a kasi vocinyi, tu kuete ongongela pokati ketu, kuenje osonde ya Yesu Omôlaye yi tu yelisa kakandu osi.

I Petulu 1:18, 19

Vu ci cokuti wa yovuiwi kovisila viesanda, vina wa piñali kolosekulu viene. Puâi ka wa yovuiwili lovina vi nyôleha ndeci opalata pamue ulu, te losonde ya tila ya Kristu, haeye okameme ka pua etondelo, ka ka kuete etime.

OKUPOPELUA LEKOLELO VU KRISTU

11

Va Efeso 2:8, 9

Wa popelui ocali omo wa kaili lekolelo. Ka wa ci lingili ene muële puâi ca tunda ocali ku Suku. Ka ceyilile ovilinga sanga umue o lipanda.

Va Roma 5:1

Oco, omo, eci tu kuete ekolelo tu tendiwa nda vakuesunga, oco tu kuete ombembua la Suku, Mitakati yaco Ñala yetu Yesu Kristu.

I Yoano 5:4

Cosi ca citiwa la Suku ci yula oluali. Eyulo li yula oluali haili, ekolelo lietu.

Yoano 20:31

Puâi ovina evi via sonehiwila okuti vu kolela okuti Yesu eye

Kristu, haeye Môla a Suku, kue-nje, omo wa koleli, oco vu muila omuenyo ko pui vonduko yaye.

Va Galatia 5:6

Momo, ku Kristu Yesu, evamba hacimueko, uyamba hacimueko, puâi ekolelo li talavaya locisola olio cimue.

Yoano 6:28, 29

Va popia laye vati, Tu linga nye okuti tu linga upange wa Suku? Yesu wa va kumbulula hati, Upange wa Suku wowu, oku kolela u wa tumiwa laye.

Ovilinga 16:31

Oco va popia laye vati, Kolela Ñala Yesu kuenje o popeliwa, ove lonjo yove yosi.

Olosamo 103:11

Ocili, ndeci kilu kua lepa loposi haico ocisola caye ka ci pui kuava vo sumbila.

Olosamo 103:17

Ocisola ka ci pui ca Yehova puâi, ci kasi tunde ka ku ci toke ka ku ci lava vo sumbila. Esunga liaye li solomohêla komâla lo komâla.

Olosamo 108:4

Momo ocisola cove ka ci pui ca piâla enene, ca piâla ovailu. Ocili cove cenda ta kalende.

Mika 7:18

Helie Suku wa soka ndove, u ecela olohôle, haeye ivala okulue-

ya kuocisupe cocipiñalo caye? Eye ka kala ño-o hũ lonyeño yaye momo o sanjukila ohenda locisola.

Asiôsuilo 3:22, 23

Ocisola ca Yehova ka ci kava kava, haico ka ci pui. Ohenda yaye ka yi kuete efulilo. Olomele viosi yeyi, ndeci ekumbi. Ocili cove ca lua!

Tito 3:5

Oco Suku wa tu popela, haku tu popelelako ovilinga viesunga tua linga etu muêle, puâi oku tu popelela ohenda yaye. Wa tu popela loku tu sukula lovava epapatiso liucito wokaliye, kuenda etumbuluko ve Espiritu Sandu.

SUKU WATUPAYOLA OCO TUIYE KOKUAYE 13

Mateo 11:28

**Enjui kokuange, vosi wa sovo-
loki kuenda wa lemiwi kuenje ndu
kavuluisi.**

Isaya 55:1

**Ene vosi vu kasi lenyona, enjui
kovava. Wosi ka kuete olombo-
ngo eye, a lande, a lie. Enjui
muële, ndo landi ovinyu lasenjele,
puâi halolombongoko, halonda-
ndoko.**

Yoano 7:37

**Keteke lia sulaklo liofesta, hai-
lio eteke linene, Yesu wa talama,
kuenje wa popia lolukandi hati,
Umue nda o kasi lenyona, eye ko-
kuange, a nyue.**

Esituluilu 22:17

**Espiritu la Ndombua va linga
vati, Enju. U o yeva a linge hati,
Enju. U o kuete enyona eye, lu wa
yongola ovava omuenyo a a ta-
mbule ocali.**

Isaya 1:18

**Ca popia Yehova ceci, hati,
Enjui, tu lisunguluisi. Ndaño
akandu ene a kusuka ngê ndona-
nga yohusu, a yela ndocikokoto;
ndaño a kusuka ndohusu a linga
ndutele.**

Luka 14:17

**Kekumbi liokulia, wa tuma
ukuenje waye oku pañinya ava va
lalekiwa, hati, Veye, momo ovina
viosi via sokiyiwa ale.**

I Yoano 3:10

Omāla va Suku lomāla veliapu va limbukiwa ndomo okuti, wosi ka lingi esunga hamōla a Sukuko, ndaño u ka sole ukuavo.

Va Roma 8:14, 15

Momo vosi va songuilua le Espiritu lia Suku ovo omāla va Suku. Momo ka wa tambuli espiritu liupika okuti vu kala vali lusumba, puāi wa tambuli espiritu liomangu yomōla, lina tu vilikiya lalio tuti, Aba, A Tate.

Va Filipoi 2:15

Okuti vu linga omāla va Suku ve lipua, haene vu pua etondelo, kuenje vu kala pokati kocitumbu-

lukila cilo cevīho loku tatama ndomanu va pua eko. Voluali lulo luoweleva vu tua ndolombungululu.

II Va Korindo 6:17, 18

Oco, tundi pokati kavo, litepi lavo. Oco ca popia Ñala. Leci ca vīha ko ka ci lambi. Kuenje ndu tambuli, ndinga Isiene, lene vu linga omāla vange valume lomāla vange vakāi. Oco ca popia Ñala Suku Tōlo.

Yoano 1:12

Puāi vosi vo tambula, kuenda va kolela onduko yaye, wa va iha omoko yoku linga omāla va Suku.

OMO AVANGULA SUKU KONDAKA YOKUNYUA 15

Va Roma 13:13, 14

Tu endaendi lesunga nda vutanya, ha lonjuela ko loku kolua, ha loku pekela ko lakâi, pamue lusa-vili, pamue lovama lesuvu. Puâi wali Nala Yesu Kristu. Ko ka eci ketimba evelo lioku linga oloñeyi vialio.

Olosapo 23:31, 32

Ku ka vanje ovinyu eci vi kusu-ka eci vi tutuma vokopo, leci vi feloka ocili. Kefulilo vi lumana ndonyoha, vi lumana muêle ndenyenya.

Va Galatia 5:19-21

Ovilinga vietimba vi moleha, vievi: ukahonga, eviho, ohumba,

oku fendela oviteka, owanga, asuvu, ema, onya, olonyeño, ocipululu, olonamalala, olonepele, oku livela, ovoholua, ayele, lovina via lisoka lavio. Ndu lunguli ndeci ndo lunguli ale okuti, ava va lingainga ovina evi ka va piñala usoma wa Suku.

Olosapo 20:1

Vinyu ohembi. Casa onjuela. Lu wa yuliwa lavio ka kuete olo-ndunge.

Isaya 5:11

Ava va pasuka ociteketeke ha va sandi evi vi koluisa, ngongo yavo! Haivo va tembaika toke kuteke kuenje ovinyu vi va tokotisa.

Mateo 22:37, 38

Yesu wo kumbulula hati, Sola Ñala Suku yove lutima wove wosi lomuenyo wove wosi lolondunge viove viosi. Eci oco ocihandeleko cinene, haico catete.

Marko 10:17-22

... Olongisi, vukuesunga, ndinga nye okuti ñuata omuenyo ko pui? Kuenje Yesu wo kumbulula hati, Nye wa nukuila ukuesunga? Lomue ukuesunga, te umuamue lika, Suku. Wa kûliha ovihandeleko, Ku ka ipe; Ku ka pekeli; Ku ka ive; Ku ka linge ombangi yuhembi; Ku ka liañe; Sumba so la nyoho. Ukuenje wa

popia laye hati, Olongisi, ovina evi viosi nda vi linga tunde kutila wange. Kuenje Yesu oku u vanja wo sola, yu wa popia laye hati, Wa kamba cimue cimuamue, kuende, ka landise cosi o kuete, ci avela olosuke, kuenje o kala lipako kilu; oco wiye o ñuame. Puâi, oku yeva ondaka yaco, ocipala caye ca nyumala, kuenje wa tundako loku sumua momo wa kala lovipako via lua.

Olosapo 16:25

Ku li onjila yimue yi môleha komunu okuti ya suñama, efulilo liayo puâi olio onjila yi panda kokufa.

KUKAKEMBIWE

17

Va Efeso 5:6

Lomue ka ka vu liañe lolondaka viesanda, omo ovina ndovio ovio vi koka onyeño ya Suku yi wila omāla vakuesino.

Tiago 1:22

Lingi vakuakulinga ondaka, vakuakuyeva lika, haivo va likembisa ño, hacoko.

I Va Korindo 6:9, 10

Ka wa kūlihili okuti olondingaivi ka vi piñala usoma wa Suku? Ko ka kembiwi. Ndaño vakuokahonga, ndaño vakuaviteka, ndaño vava va lala lakāi vamāle, lalume va lisokisa lakāi, lalume vakuakulala lalume, lovimunu, la

vakuacipululu, loloholua, la vakuakuimbula, lolondiandia, ka va piñala usoma wa Suku.

I Yoano 3:7, 8a

Amāla, lomue ka ko lueyisi. U o lingainga esunga ukuesunga ndomo Omōla a Suku ukuesunga. U o lingainga akandu ukueliapu, momo eliapu li lingainga akandu tunde kefetikilo.

Va Galatia 6:3

Momo omunu nda wa soka hati, Ame nda piāla, puāi ka piālele, wa likemba eye muēle.

Mateo 24:5

Momo va lua veyā londuko yange oku popia vati, Ndu Kristu, kuenje va kemba va lua.

Va Roma 5:12

Oco, ndeci ekandu lia iñila voluali lomunu umuamue, kuenda okufa keuya lekandu, haico okufa kua sambukila omanu vosi, momo vosi va linga ekandu.

Tiago 1:15

Oloñeyi, eci vi mina, vi cita ekandu, lekandu, eci li kula, li cita okufa.

Olosapo 11:19

U o kuama esunga o panda komuenyo, u o kuama eviho o limuisa okufa.

Va Roma 8:6

Momo, oku tiamisa ovisimilo viutima koloñeyi vietimba oko okufa, puai oku tiamisa ovisimilo

viutima kovina vie Espiritu, oko omuenyo, haiko ombembua.

Esekiele 18:20

Omunu o linga ekandu eye o fa. Omola ka talela ohali ekandu lia isiaye, ndaño isia ka talela ohali ekandu liomola. Esunga liukuesunga liaye, ũvi wondingaivi waye.

Luka 15:32

Ca tu sesamela oku sanjuka loku yolela momo u, manjove, wa file, yu o kasi vali lomuenyo, wa nyelile, yu wa sangiwa.

Va Roma 6:1

Nda oco, tu popia ndati? Tu kala ño-o hũ loku linga akandu okuti oco ocali ci supoke?

KRISTU WAYULA OKUFA

19

Luka 7:14, 15a

Oco oku amelako wa lamba kocikalavekua, kuenje vakuacikalavekua va talama, yu wa popia hati, Omalehe, mopia love siti, Pasuka. Oco u wa file wa tumala, kuenje wa fetika oku popia.

Yoano 11:43, 44

Eci a popia ndoco, wa vilikiya londaka ya lua hati, A Lasaru, tundamo. U wa file wa tundamo, wa iñiwa onjambo kovoko lo kolomai, kuenje ocipala caye ca futisua lesu. Yesu wa popia lavo hati, U kutululi, oco a ende.

Yoano 10:17, 18

Oco omo mesela omuenyo wange okuti ndu sanga vali noke, oco

Isia a solele. Lomue u njupa, puai ndu pesela ame muele nasi lomoko yoku u pesela, nasivo lomoko yoku u mola vali. Eci, oco ocikundi Tate a nundika.

Esitululo 1:18

Haime nasi lomuenyo. Nda file kuenje cilo nasi lomuenyo woloneke ka vi pui, haime nuete ololapi viokufa levi vionjembo.

I Va Korindo 15:3, 4

Catete nda linga haico cinene ceci okuti, ndo kundili ondaka nda tambulavo ame. Ondaka yaco yeyi, Kristu wa fila akandu etu ndeci ca tukula ovisonehua. Wa kendiwa. Wa pinduiwa veteke liatatu, ndeci ca tukula ovisonehua.

Esinumuilo 5:7-21

Ku ka kale lolosuku viñi, te ame.

Ku ka lisongele ociñumañuma, pamue esetahâlo lieci ci kasi kilu, pamue lieci ci kasi posi, pamue lieci ci kasi vovava vemêhi liongongo. Ku ka vi fendele pamue oku vi vumba. . . .

Ku ka tukule onduko ya Yehova Suku yove lesanda, momo Yehova ka yowisa u o tukula onduko yaye lesanda.

Ivaluka eteke liesambata oku li kolisa, ndeci Yehova Suku yove a ku handeleka. Oloneke epandu o

talavaya oku linga upange wove wosi; . . .

Sumba so la nyôho, ndeci Yehova Suku yove a ku sapuila; . . .

Ku ka ipaye.

Ku ka pekelise.

Ku ka ive.

Ku ka imbile ukuêle uvangi wuhembi.

Ku ka livele ukâi wukuêle; ku ka livele onjo yukuêle, pamue epia liaye, pamue upika waye ulume, pamue upika waye ukâi, pamue ongombe yaye, pamue ocimbulu caye, cosi cukuêle ku ka ci livele.

KUTELĀ OKUSALAMELA SUKU

21

Yovi 34:21, 22

Ovaso a Suku a lete ovilinga viomunu. Eye o kŭliha okuenda kuaye kuosi. Ka kuli undembo pamue owelema wowi omu vakua-kulinga eviho va tēla oku salama.

Olosamo 139:8, 12

Nda ndonda kilu, haiko o kasi. Nda njala ula vonjembo, haimo o kasi. . . . Ndaño owelema kokuove hawelemako. Uteke wa tua ndutanya. Owelema locinyei via lisoka.

Yeremiya 23:24

Omunu o tēla oku salama kumue okuti siu moli? Oco ca popia Yehova. Si yukisa hē ovailu longongo? Oco ca popia Yehova.

Olosapo 15:3

Ovaso a Yehova a lete kuosi, a lavulula olondingaivi lolondingesunga.

I Va Korindo 4:5

Oco, ko ka tetululi osimbu otembo yaco ka yeyile, okuti osimbu Ŋala keyile. Eye o nena kutanya evi via wunda handi vowelema, haeye o situlula ovipango viosi viovitima. Kotembo yaco omunu omunu o panduiwa la Suku.

Luka 8:17

Momo lacimue ca sitikiwa okuti noke ka ci situluiwa, lacimue ca yombekiwa okuti noke ka ci kŭlihiwa ha ciya kutanya.

22 EYAMBULO KA LI PUI LIAVAKUAKANDU

Mateo 13:41, 42

Mōlomanu o tuma ovangelo vaye kuenje vusoma waye va nolamo ovina viosi vi koka akandu, kuenda vakuakusinila oviha-ndekeko. Kuenje va va imba velungulungu liondalumu mu kala oku lila loku likeleketa ovayo.

II Petulu 3:7

Puāi londaka yaco haiyo, ilu li kasi ndeti, longongo ya angiliyi-wila ondalumu, yi tāilili eteke liekanga hailio liokunyōleha kuomanu va tomba Suku.

Mateo 18:8

Nda eka liove pamue omāi yove yi ku lingila ocilondokua, yi tetako, yi inasi. Cu ku velelapo oku

iñila vomuenyo ocinimbaile pamue lokulu kumuamue, oku imbiwa vondalu ka yi pui lovoko avalipamue lovalu avalihacoko.

Olosamo 9:17

Olondingaivi, okuti omanu vosi va ivala Suku, va tumiwa konjembo.

Mateo 25:46

Kuenje ava va enda keyambulo ka li pui, puāi vakuesunga va enda komuenyo ko pui.

Va Roma 1:18

Momo onyeño ya Suku yi situ-luiwa tunde kilu, kuenje yi veta etombo liosi, lakandu osi omanu vana va tateka ocili ca Suku lakandu avo.

KOVASO KULI ESOMBISO

23

Ovilinga 17:31

Momo wa tukula eteke lioku tetuluila oluali lesunga, kuenje wa nola ale ulume o linga onganji yaco. Poku pindula ulume waco ku vakualufa opo a lekisila komanu vosi okuti ondaka yaye yocili.

II Petulu 2:9

Nda Suku wa linga ovina evi viosi, wa kûliha oku popela vakuaku sumbila Suku eci va nyikiwa, kuenda oku selekela vakua-kandu eyambulo toke keteke liekanga.

I Yoano 4:17

Oco ocisola ci suapo vokuetu. Oco tu kuata utôi veteke liekanga,

momo ndeci eye a kasi, haico etu tu kasi voluali lulo.

Va Heveru 9:27

Kuenje, ndeci omanu vosi va fa onjanja yimuamue, noke kuli ekanga.

II Va Korindo 5:10

Momo vosi tu laika oku iya kekanga lia Kristu ha tu tambula eci ca sesamela ovilinga vietu, ci kale ciwa, ci kale cîvi, okuti omunu omunu o tambula ndovilinga viaye vina a linga osimbu a kala vetimba.

Va Roma 14:12

Oco etu vosi, omunu omunu o lilombolola ku Suku.

Va Roma 9:16

Eci cosi ci lingiwila ohenda ya Suku, ocipango comunu, pamue upange waye, hawoko.

I Petulu 5:5b

... Suku o yaka la vakueyengu, puâi ava va liketisa o va linga ohenda.

II Va Korindo 8:9

Momo ocali ca Ñala yetu Yesu Kristu vu ci, cokuti ndañö wa kala ohuasi, haimo mekonda liene, wa linga osuke, okuti kusuke waye vu muilako ukuasi.

Va Roma 5:15

Puâi ocali ca eciwa halonda-ndoko ka ca lisokele lokulueya kuaco. Momo, nda va lua va fila

ekandu liomunu umuamue, ca piâla vali ocali ca Suku, haico ocali ca molehela komunu umuamue, okuti Yesu Kristu, ca supokaila va lua.

II Va Korindo 9:15

Pandu pandu ku Suku mekonda liocali caye ka ci popaiwa.

Ovilinga 4:33

Ovapostolo va imbaimba uva-
ngi wepinduko lia Ñala Yesu lu-
nene wa lua. Ocali ca lua ca va
wila vosi.

Tito 3:7

Wa tu li sukumuilila okuti locali
caye, tu tendiwa ndavakuesunga
kuenje tu linga vakapiñala kela-
voko liomuenyo ko pui.

OKULIKEKEMBELA

25

Ovilinga 17:30

Suku wa simuila oloneke via-pungunjumba, puâi cilo o pañinya omanu vosi koluali luosi hati, Likekembeli akandu ene.

Luka 13:3

Ndu sapuili siti, Hacoko, puâi ene, nda ko likekembela akandu ene, lene vosi vu nyôlehavo ndovo.

Ovilinga 3:19

Oco, likekembeli akandu ene. Pongoloki okuti akandu ene a ecelua, kuenda okuti kuiya oloneke viekavuluko vi tunda ku Suku.

Ovilinga 2:38

Kuenje Petulu wa popia lavo hati, Ene vosi omunu omunu, likekembeli akandu ene, papatisilui ongecelo yakandu vonduko ya Yesu Kristu, oco vu mola ocali ce Espiritu Sandu.

II Va Korindo 7:10

Momo esumuo li limbuka oci-pango ca Suku li koka okuli-kekemba ku tuala kepopelo, kuna ku koka oku livela hakuoko. Puâi esumuo li tunda ño kutima we-sanda lioluali li koka okufa.

Mateo 3:2

Likekembeli akandu ene momo usoma wokilu u kasi ocipepi.

Mateo 6:14

Momo nda weceli omanu ahuku avo oco Isiene o kasi kilu ecelavo ahuku ene.

Esekiele 18:21

Puāi ondingaīvi nda ya imba-po akandu aye osi a lingainga hā ha lavi ovisila viange viosi loku linga eci ciwa haico ca sunguluka, ocili muēle o kala lomuenyo, ka fi.

Marko 2:5

Eci Yesu a mola ekolelo liavo oco wa popia lu wa fa ovolu, hati, Amōlange, akandu ove a eciwa.

Isaya 55:7

Ukuakulinga cīvi a sie ocituwa caye, u ka lingi esunga a liweke ovisimilo viaye, a tiukile ku Ye-

hova, kuenje u linga ohenda, ku Suku yetu kuenje o wecela ca lua.

Esituluilu 3:20

Tala, nāi kuvelo loku totola. Nda muli u o yeva ondaka yange kuenje o njuluila epito, nyiñila kokuaye, ndia laye, leye o lia lame.

Ovilinga 5:31

Haeye Suku a kemalisila kondio yaye ha lingi Njalu kuenda Upopeli oku eca ku va Isareli oku likekembela akandu longecelo yao.

Luka 24:47

Citivo, okulikekembela akandu kuenda okuecelua ku kundilua vonduko yaye kolofeka viosi, oku fetikila ko Yerusalaī.

OKULITEPA KOVINA VIOLUALI

27

Tito 2:11, 12

Momo ocali ca Suku ca tukulu-kila omanu vosi oku va nenela epopelo. Ci tu longisa oku imbapo oku tomba Suku lovipango violuali, loku kala lesuluviko lesunga kuenda ovimuenyo vi kemalisa Suku voluali lulo.

Va Kolosai 3:2

Sokololi ovina viokilu, vioposi havioko.

Isaya 1:16

Lisukuli; liyelisi; eviho liovilinga viene li upi kovaso ange. Liweki oku linga civi.

I Yoano 2:15, 16

Ko ka soli oluali pamue ovina vi kasi voluali. Nda omunu o sole

oluali, ocisola ca Isia ka ci kasi vutima waye. Momo ovina viosi vi kasi voluali, okuti oñeyi yetimba, loñeyi yovaso, kuenda oku litunila ovina viomuenyo waluo, ka via tundile ku Isia, te koluali.

Va Efeso 5:11

Ko ka inili vongongela yovilinga vioweleva ka vimi apako, puai vi situluli loku vi nena kutanya.

Va Roma 12:2

Kuenje ko ka lisetahaisi loluali lulo, puai kuati ovitima viokaliye okuti ovimuenyo vi pongoluiwa, kuenje vu limbuka ndeci ci kasi ocipango ca Suku, okuti ciwa, ca sunguluka, ca pua eko.

Esekiele 36:26

Ndu wihi utima wokaliye. Ñapa pokati kene espiritu liokaliye. Ndu wupi utima wewe, ndu kapi utima womuenyo.

I Yoano 2:29

Nda wa kûlihi okuti eye ukuesunga, limbuki okuti wosi o lingainga esunga wa citiwa laye.

II Va Korindo 5:17

Oco, nda umue o kasi vu Kristu, wa linga ociluvo cokaliye. Cosi cale ca pita, kuenje cosi ca linga cokaliye.

I Yoano 5:18

Tu ci okuti wosi wa citiwa la Suku ka lingainga ekandu. Puãi

Yesu, u wa citiwa la Suku, u lava, kuenje eliapu ka liu lambi.

Yoano 3:3

Yesu wo kumbulula hati, Mopia love siti, Ocili, ocili, omunu ka tēla oku mola usoma wa Suku, te wa citiwa evali.

I Petulu 1:23

Wa citiwi evali. Ka wa citiwili lombuto yi taka te leyi ka yi taki okuti ondaka ya Suku yi kasi lomuenyo kuenje yi kala ño-o hũ.

Yoano 10:10

Ocimunu ka ciya, te ciyilila oku iva loku ipa kuenda oku nyōla. Ame ndeyilila okuti va kuata omuenyo, kuenda okuti omuenyo waco u supoka.

OKUFA KAKANDU — EPINDUKO VU KRISTU 29

Efeso 2:1, 6

Kuenje ene wa fili lakandu kuenja lolohole... Wa tu pinduila kumue la Kristu Yesu kuenje wa tu tumalisa kumue laye kilu.

Va Kolosai 3:1-3

Oco nda wa pinduiwi ocili kumue la Kristu, sandi ovina vi kasi kilu, kuna Kristu a kasi loku tumala kondio ya Suku. Sokololi ovina viokilu, vioposi havioko. Momo wa fi, kuenje ovimuenyo viene via solekiwila ku Suku kumue la Kristu.

I Petulu 2:24

Eye muēle wa tu ambatela akandu etu vetimba liaye eci lia valeliwila kekulusu. Wa ci lingila

okuti eci tua fa kakandu, oco tu kuata omuenyo kuenje tu litumbikila oku linga esunga. Wa sakuiwi lovisimbimbi viaye.

Va Galatia 5:24

Puāi, ava va tiamela ku Kristu Yesu, etimba va li valela kekulusu, kumue lovipango loloñeyi vialio.

Va Roma 6:2, 11

Oco hacoko. Etu tua fa ale koku linga akandu, vekandu hē tu kalamo vali ndati lomuēnyo? ... Haico ene, limbuki okuti kekandu wa fi, puāi omuenyo vu kasi lawo vu kristu Yesu u tiama ku Suku.

Galatia 6:8

Momo u o kŭlila etimba liaye o lombola okuvola kuetimba; u o kŭlila Espiritu o lombola omuenyo ko pui we Espiritu.

Yoano 3:14, 15

Kuenje ndeci Mose a tulika onyoha vekalasoko, haico Mŏlo-manu o tulikiwa, okuti wosi u kolela o mola omuenyo ko pui.

Yoano 17:3

Omuenyo ko pui wowu, oku ku kŭliha, ove lika vu Suku yocili, loku kŭlihavo Yesu Kristu, u wa tuma.

Yoano 3:36

U o kolela Mŏla o kuete omuenyo ko pui, puāi u ka kolela Mŏla,

eye ka moli omuenyo, puāi onyeño ya Suku yi kala ņo-o laye.

Va Roma 6:23

Momo onima yekandu okufa, puāi ocali ca eciwa la Suku oco omuenyo ko pui vu Kristu Yesu ņala yetu.

Yoano 5:24

Mopia lene siti, Ocili, ocili, u o yeva ondaka yange, kuenje o kolela u wa numa, o kuete omuenyo ko pui. Keya koku tetuluiwa, puāi wa iluka ale vokufa, wa iñila vomuenyo.

I Yoano 5:11

Uvangi waco haiwu, Suku wa tu iha omuenyo ko pui, kuenje omuenyo waco u kasi v'Omŏlaye.

ELUMBU LIOKUPOPELUA

31

Isaya 32:17

Epako liesunga ombembua.
Lonima yesunguluko utima wa
tula kuenda ekolelo ka li pui.

Va Galatia 4:6

Kuenje, omo vumāla, oco Suku
wa tuma Espiritu li'Omōlaye vo-
vitima vietu, ha li vilikiya liti,
Aba, a Tate.

Yoano 14:21

U o kuete ovihandeleko viange
kuenje o vi lava eye o sole, lu o
sole ame eye o soliwe la Tate,
kuenje ndu solavo, loku limo-
lehisa kokuaye.

I Yoano 3:18, 19

Atumāla, ka tu ka soli londaka
pamue lelimi, te lovilinga kuenda

locili. Nda tu ci linga tu limbuka
okuti tua tiamela kocili, kuenje tu
tulila ovitima vietu kovaso aye.

Va Roma 8:16

Oco Espiritu, eye muēle o kasi
loku imba uvangi kumosi lespiritu
lietu okuti tumāla va Suku.

I Yoano 4:13

Oco tua kūliha okuti, tu kasi
vokuaye, leye o kasivo vokuetu,
momo wa tu tepelako onepa ye
Espiritu liaye muēle.

I Yoano 2:3

Kokupokola kovihandeleko
viaye oko tu limbukila nda hē tuo
kūliha nda ndati.

KRISTU OKASI VOKUETU UKUAKUECA ESANJU

Yoano 17:13

Puāi cilo njiya kokuove, kuenje ovina evi ndi vi popela voluali, okuti onjolela yange yi telisiwila vokuavo.

Momo usoma wa Suku hakulia-ko loku nyua, te esunga lombembua kuenda esanju ve Espiritu Sandu. —Roma 14:17

Yoano 15:11

Ovina evi ndo vi popeli okuti esanju liange li kala vokuene, kuenje esanju liene li suapo.

Galatia 2:20

Nda valeliwa kekulusu kumue la Kristu. Hameko vali ñasi lomuenyo, te Kristu eye o kasi lo-

muenyo vokati kange, kuenje omuenyo ñasi lawo vetimba ñasi lawo omo nda kolela Omōla a Suku u wa sola haeye wa liecela oku mopela.

Isaya 12:3

O tapa lesanju kolono vieyovo.

Olosamo 16:11

O njimba onumbi yonjila yomuenyo. Kokuove ku li onjolela ya lua. Kondio yove ku kasi esanju ka li pui.

Va Efeso 3:17

Ndi likutililavo okuti, omo vu kasi lekolelo, oco Kristu o kala vovitima viene, lomo wa tuameli loku sevetiwa vocisola.

EPOKOLO KUÑALA OLIO LISESAMELA 33

I Samuele 12:15

Puãi nda ka vu yevelela kondaka ya Yehova, nda vu ñualapo ocihandeleko ca Yehova, oco eka lia Yehova liu pongolokelimo ene losoma yene.

Va Roma 6:16

Ka wa kûlihili hê okuti, nda wa litumbiki ku-umue ha vu lingi apika va pokola, wapika muêle vu vu pokola kokuaye, ci kale oku litumbika kekandu li loña kokufa, ci kale oku litumbika kepokolo li loña kesunga?

II Va Tesalonike 1:7-9

Loku eca kokuene vu kasi loku talisua ohali, epuyuko kumue

letu, eci Ñala Yesu a ka tukuluka tunde kilu lovangelo vaye va pama vondalu yulienge, kuenje o fetuluinya ava ka va kûlihile Suku, lava ka va tava kondaka yiwa ya Ñala yetu Yesu. Ovo va mola eyambulo liokunyôleha ka ku pui, loku tundisua ku Ñala lo kulamba wunene waye.

Esinumuilo 11:26-28a

Ota, etaili nda kapa kovaso ene esumûlûhō leyambulo. Nda vu pokola kovihandeleko via Yehova Suku yene evi ndu handeleki etaili, vu mōla esumûlûho. Nda ko pokoli kovihandeleko via Yehova, Suku yene.

34 CISESAMELA OKULIKEKEMBELA VU KRISTU

Filipoi 2:11

Kuenda okuti alimi osi a tava okuti Yesu Kristu eye Nala, loku muisa Suku Tate ulamba.

Mateo 10:32, 33

Wosi o njimbila uvangi kovaso omanu ame ndu wimbila uvangi kovaso a Tate o kasi kilu. Puai wosi o liñalela kovaso omanu ame ndu likalelavo kovaso a Tate o kasi kilu.

Va Roma 10:9, 10

Momo, nda o popia lomela wove, huti, Yesu eye Nala, kuenda o kolela lutima wove okuti Suku wo pindula kuava va fa, o pope-liwa. Momo, eci omunu a kolela lutima waye, oco a tendiwa ndu-

kuesunga, leci a likekembela akandu aye lomela, oco a popeliwa.

I Yoano 2:23

Lomue o likala Omola o tela oku kala la Isiacu. U o kolela Omola o kuete Isiacu.

Luka 9:26

Momo u o nuetele osoi kuenda o kuetele olondaka viange osoi Molomanu u kuatelavo osoi eci eya vulamba waye lu wa Isaiye lu wovangelo va kola.

Ondaka yimue ya kolelua yeyi, okuti, nda tua fila kumue laye tu muila omuenyo kumue laye. Nda tu pandikisa tu vialela kumue laye. Nda tu u likala eye o tu likalavo. —II Timoteo 2:11, 12

SATANA — UNYALI WETU ONENE

35

I Petulu 5:8

Lunguki. Lavululi. Unyali wene eliapu o ñuala ñuala ndohosi yi koma oku sandiliya u a lia.

Mateo 4:1, 10, 11

Oco Yesu wa songuiwila le Espiritu kekalasoko ha setekiwa leliapu. . . . Oco Yesu wa popia lalio hati, A Satana, tundapo, momo ca sonehiwa citi, Fendela Yehova Suku yove, eye lika o vumba. Oco eliapu lio sia kuenje ovangelo vey, vo kuatisa.

II Va Tesalonike 2:9

Etukuluko liukuakutomba ovi-handeleko liya lovilinga via Satana, kuenje li kala lunene wosi, lovilimbu, lovikomo viesanda.

Efeso 6:11

Malehi ovimaleho viosi via Suku okuti vu tēla oku tamalala latutu eliapu.

Ovilinga 26:18

Oku patulula ovaso avo. O va patulula okuti va tunda koweleva ha va sangi utanya, loku tunda kuviali wa Satana ha va tiama ku Suku. Veya ku Suku okuti va mola ongecelo yakandu, kuenda ocipiñalo pokati kava va yelisua omo va ñolela.

II Va Korindo 10:4

Momo ovimaleho viokuyaka kuetu havietimbako, puai vi kuete unene wa Suku woku nyola olombonge.

II Tesalonike 2:8

Kotemba yaco ukuakutomba ovihandeleko o situluiwa, kuenje Nala Yesu u nyōla lofela yomēla waye, haeye u wimula lokumoleha kuaye letukuluko liaye.

Tiago 4:7, 8

Oco, pokoli ku Suku. Tamalali leliapu kuenje liu tili. Ameli ku Suku kuenje eye amela kokuene. A vakuakandu, yelisi ovaka.

Va Heveru 2:14

Oco, omo omāla va kuete ositu losonde, eye layevo haivio a wala, okuti o yula lokufa u o kasi longusu yokufa, okuti eliapu.

Va Roma 8:35, 37

Helie o tēla oku tu tepa koci-sola ca Kristu? Ohali hē pamue ongongo, pamue eyambulo, pamue onjala, pamue epēle, pamue ohele, pamue osipata, yi ci tēla? ... Ka ci tēliwa. Omo tu kasi lu o tu sole, oco, vovina viaco viosi, tu piāla vali kokuyula.

I Yoano 3:8

U o lingainga akandu ukueliapu, momo eliapu li lingainga akan-du tunde kefetikilo.

Marko 3:11

Kuenje, eci ovilūlu via viha vio mola, via wila posi kuenje via liyula, viti, Ove vumōla a Suku.

I Yoano 4:20

Umue nda o popia hati, Ndi sole Suku, kuenje o suvuka ukuavo, ohembi, momo u ka sole ukuavo a lete ka tēla oku sola Suku ka lete.

I Va Korindo 13:1

Ndaño mopia alimi omanu la-a ovangelo, puāi si kuete ocisola, nda linga ocivela congula ci ñoña, pamue ongonge yi yokoya.

Yoano 13:35

Kokulisola kuene polati oko omanu vosi va limbukila okuti vulondonge viange.

Va Galatia 5:22, 23

Puāi epako lie Espiritu lieli: ocisola, esanju, ombembua, epandi, unu, esunga, ekolelo, umbo-

mbe, esuluviko; ka kuli ocihandeleko ci patāla ovina evi.

Yoana 21:16

Yesu wo pula vali onjanja ya-vali hati, A Simono, amōla a Yoano, ame o sole? Petulu wa kumbulula hati, Oco, a Ñala, o ci okuti hu sole. Yesu wa popia laye hati, Lava olomeme viange.

I Yoane 3:14

Tua kūliha okuti tua sondolui-wa kokufa loku sondoluiwila komuenyo momo tu sole vakuetu. U ka sole ukuavo o kala ño-o vokufa.

Momo oku sola Suku kua lomboloka oku pokola kovi-handeleko viaye. Ovihandeleko viaye ka vi lemi. —I Yoano 5:3

Etu tulombangi viovina viosi a linga vofeka ya va Yudea lo vo Yerusalaî. Ovo, oku u nyoñamisila kuti, vo wipa. Suku puâi, wo pindula eteke liatatu, kuenje wo molehisa, puâi hakomanu vosiko, te kokuetu tulombangi via noliwa ale la Suku, haetu tua lila lila kuenda tua nyuila nyuila kumue laye eci a pinduka ku vakuavilangu. —Ovilinga 10:39-41

Yoano 20:26-28

Eci pa pita oloneke ecelâla olondonge viaye via kala vali vonjo, kuenje Tomasi wa kala kumue lavo. Apito a yikiwa, puâi Yesu weya, wa talama pokati kavo, kuenje wa popia hati. Ombembua

yi kale lene. Oco, wa popia la Tomasi hati, Kapa apa omuine wove. Ndo tale ovaka ange. Olôla eka liove, li kapa pepati liange. Ku ka linge ndu ka kolelele, puâi kolela. Tomasi wo kumbulula hati, A Ñala yange, a Suku yange.

Va Roma 4:25

Una wa pondiwila okuluweya kuetu, haiye wa pinduiwilua oku tu muisa esunga, etu muële ekolelo lietu li tu tendiwila ndesunga.

Kaliye, eci a pinduka omele ociteketeke, keteke liatete kosimanu, wa tukuluka tete ku Maria u Magadala, una a tundisa ilûlu epanduvali. —Marko 16:9

EPINDUKO, ELAVOKO LIETU LIULAMBA 39

Mateo 16:21

Tunde opo Yesu wa fetika oku sapuila olondonge viaye okuti co sesamela oku enda ko Yerusalāi kuenda oku fūkīlisilua ovina via lua lakulu lovitunda vinene la va-kuavisonehua. Wa vi sapuilavo okuti o pondiwa kuenje o pindui-wa eteke liatatu.

Yoano 5:25, 28, 29

Mopia lene siti, Ocili, ocili, ola yiya kuenda yeya ale, okuti vakualufa va yeva ondaka ya Mōla a Suku, kuenje ava va yi yeva va mola omuenyo. . . . Ko ka ci komohi, momo ola yiya eci vosi va kasi vayambo va yeva ondaka

yaye, yu va tundamo. Ava va linga ciwa, va tundila epinduko liomuenyo, ava va linga cīvi, va tundila epinduko liekanga.

Va Roma 6:3-5

Ele, ka wa kūlihili okuti etu vosi tua papatisiwila vu Kristu Yesu tua papatisiwilavo vokufa kuaye? Oco tua kendiwila kumue laye omo tua papatisiwila vokufa kuaye, okuti, ndeci Kristu a pīnduiwa kuava va fa lulamba wa Tate, haico etu tu endaenda lomuenyo wokaliye. Momo nda tua tokekisua kokuaye vokufa ndoku kuaye, ka kuli atatahāi, tu tokekisuavo kokuaye vepinduko ndeli liaye.

Luka 1:74, 75

Okuti etu, eci tu popelua povaka ovanyali vetu, tu u vumba, usumba lakamue, loku kala kovaso aye lesunga kuenda ocili oloneke viosi viomuenyo wetu.

II Va Korindo 7:1

A vakuacisola, omo tu kuete olohuminyo evi, oco tu liyelisi kovina viosi vi vihisa etimba levi vi vihisa utima. Tu suisipo okukola kuetu loku sumbila Suku.

II Timoteo 2:21

Omunu, nda o liyelisa kovina via, viha, o linga ocikuata cesumbilo, haico ci kola, kuenje ca

sungulukila muëleanjo, haico ca sokiwiwila ovilinga viosi viwa.

I Petulu 1:2

Ene wa noliwi kuenda wa tukuiwi ale la Suku Isia, haene wa kolisiwili le Espiritu okuti vu pokola ku Yesu Kristu, kuenje vu nyilua losonde yaye. Ocali ci love kokuene kuenda ombembua.

I Petulu 1:15

Puâi, ndeci u wo kovongi a kola, lenevo koli kovilinga viene viosi.

Efeso 4:24

Wali omunu wokaliye una wa tungiwa lesetahâlo lia Suku lesunga kuenda oku kola.

ESUNGA MU ÑALA

41

Isaya 35:8

Kuenje pa kala elila, lelila liaco li tukuiwa liti, Elila li kola. Vakueviho ka va endelamo. Vakuesanda ka va lueyisa u endelamo.

Va Heveru 13:12

Haico Yesu layevo wa tala ohali konele yocilombo okuti omanu vaye va kolisiwa losonde yaye muële.

Mateo 3:11

Ame ndu papatisili vovava, oku vu papatisila epongoloko liutima, puãi u o ñuai vonyima wa mbelapo. Sia sungulukilile oku ambata olohaku viaye. Eye u

papatisili le Espiritu Sandu londalu.

Va Efeso 1:4

Osimbu oluali ka lua sevetiwile handi wa tu nola okuti vu Kristu tu kola kuenda tu lipua evelo kovaso aye.

Va Heveru 12:14

Kolisiko oku kala lombembua lomanu vosi. Sandiliyi okukola momo lomue o mola Ñala nda ka ku kuete.

I Yoano 1:9

Nda tu likekembela akandu etu loku a sapula, eye ukuacili, haeye ukuesunga, o tu ecela akandu etu, kuenje o tu yelisa kaviho osi.

Luka 11:13

Oco nda ene wa tuwi ale oku linga civi, wa kũlihi oku eca oviali viwa komála vene, Isiene ukuailu hẽ, ka velipo oku avela Espiritu Sandu kuava vo pinga?

Ovilinga 1:8

Puãi, eci Espiritu Sandu o wili, oco vu kuata unene, kuenje vu linga olombangi viange.

Ovilinga 13:52

Kuenje oloñame vie yuka onjolela kuenda Espiritu Sandu.

Va Roma 8:9

Ene puãi, ka vu kasi vetimba, te ve Espiritu, nda Espiritu lia Suku li tunga ocili vovitima viene. U ka

kuete Espiritu lia Kristu ka tiamela ku Kristu.

Esekiele 36:27

Kuenje ndu fuimili omuenyo wange, loku wendisili vovisila viange ho tati oviholo viange, loku vi linga.

Ovilinga 4:31

Eci va likutilila, oco onjo, omu va likongela, ya lisenga. Vosi ve yukisua Espiritu Sandu, kuenje va popia ondaka ya Suku lutõi.

Ovilinga 7:55

Puãi eye we yuka Espiritu Sandu, kuenje, oku tunguila ovaso kilu, wa mola ulamba wa Suku, la Yesu yo, o tãi kondio ya Suku.

OLOHUMINYO VIWA KUVA KUA KRISTU 43

Olosamo 34:18

Yehova yu ocipepi la vakuavimitima via teka. O popela ava va kasi lovitima via samba.

Isaya 66:2

Ovaka ange a tunga ovina evi viosi, oco ovina evi viosi viange. Oco ca popia Yehova. Puâi omunu mbanja yu wa liketisa, haeye wonjuka vutima, kuenda o lulumila ondaka yange.

Esitulailo 21:4

Eye o puenya asuelela osi kovaso avo. Okufa ka ku kalako vali, ndaño oku lika loku liyula lupongo laviovo ka vi kalako vali. Momo ovina viatete via pita.

Olosamo 37:3

Kolela Yehova, linga esunga, oco o tumala hũ vofeka, kuenje o koka.

I Petulu 4:12, 13

A vakuacisola, ko ka komoheli ekangiso lia soka ndondalu liya kokuene oku vu nyika. Ko ka simi hoti, Cimue ka ca siatele ceya kokuetu. Puâi yoleli omo wa inili vohali ya Kristu okuti vu yolelavo loku sanjuka eci ulamba waye u tukuluiwa.

Mateo 6:33

Puâi tete vanjiliyi usoma waye kuenda esunga liaye, kuenje ovina evi viosi viu vokiwi.

Va Heveru 2:18

Momo, omo eye muële a tala ohali loku yonjiwa, oco o tēla oku kuatisa ava va yonjiwa.

Va Roma 16:20

Suku yombembua ndopo o kose-la Satana vemehi liolomāi viene. Ocali ca Ņala yetu Yesu Kristu ci kale lene.

Isaya 43:2

Eci o pita vovava űala kumue love; leci o pita volondui ku vombi. Eci o pita vondalu ku pi, leci o pita vulienge ku kakuiwa.

I Va Korindo 10:13

Lalimue eyonjo lio sangi, te eli lia siata pokati komanu. Suku wa kolelua, kuenje ka tava okuti wu

yonjiwa te leli wu tēla, puāi kumuamue leyonjo u muisivo evelo lioku puluka okuti vu soka lalio.

Olosamo 34:19

Ohali yukuesunga ya lua, puāi Yehova u popela kohali yosi.

Tua kūliha okuti ava va sole Suku, haivo va kovongiwa ndeci Suku a panga, Suku o talavaya lavo vovina viosi oku va sumū-lūisa.

—Va Roma 8:28

Momo ohali yilo yetu yitito, haiyo yokatembo kamue lika, yi kasi loku talavaya oku tu pongiyila ulamba wa lua, wa piāla ovolamba osi akuavo, haiwo wenda hū.

—II Va Korindo 4:17

Esituluilo 3:12

U o yula ndu lingisa ongunji vonembele ya Suku yange. Lalimue eteke a tundamo. Soneha kokuaye onduko ya Suku yange, londuko yimbo lia Suku yange, hailio Yerusalaï yokaliye yi tunda kilu ku Suku yange. Sonehavo onduko yange muële yokaliye.

Esituluilo 3:21

U o yula ndu wiha oku tumala lame kocalo cange, ndomo amennda yula, kuenje nda tumala la Tate kocalo caye.

Esituluilo 3:5

U o yula o walisua ndomo olonanga vi yela kuenje si nyôli

onduko yaye velivulu liomuenyo. Nukula onduko yaye kovaso a Tate lo kovaso ovangelo vaye.

Esituluilo 21:7

U o yula o piñala ovina evi, lame ndinga Suku yaye leye o linga omôlange.

Esituluilo 2:7

U o kasi lovatui a yevelele eci Espiritu li popia lakongelo. U o yula ndu lisa kepako liuti womuenyo u kasi vocumbo sa Suku.

Esituluilo 2:26

U o yula kuenje o lava ovopange ange toke kefulilo, ndu wiha unene woku viala olofeka.

46 SUKU WAPOPIA LETU KONDAKA YOKUNYALA

I Va Korindo 7:10, 11, 39

Mopia lava va kuela ale, puâi hameko ndi ci popia, te Ñala, okuti ukâi ka ka nyuhe ku veyaye. Nda o nyuha, ka ka kuele, te oku linala la veyaye. Haico ulume, ka ka nyale ukâi waye. Ukâi wa pandekiwa osimbu veyaye a kasi lomuenyo. Nda puâi veyaye wa fa, ukâi o panduluiwa okuti ci tava oku kueliwa lu a yongola, puâi te oku kueliwa vu Ñala.

Luka 16:18

U o nyala ukâi waye kuenje o kuela ukuavo o linga ukahonga, lu o kuela ukâi wa nyaliwa la veyaye, layevo o linga ukahonga.

Va Roma 7:2, 3

Ndecî ukâi, ovihandeleko viu kutila ku veyaye osimbu veyaye a kasi lomuenyo. Puâi, nda ulume o fa, ukâi o kutuluiwa kovi-handeleko vio kutilile ku veyaye. Oco, nda enda kulume ukuavo osimbu veyaye a kasi lomuenyo, o tukuiwa okahonga, puâi, nda veyaye o fa . . .

Mateo 5:32

Ame puâi mopia lene siti, Wosi o nyala ukâi waye, nda handaka yoku pekellisako, u lingisa okahonga, kuenje u o kuela ukâi wa nyaliwa, o lingavo ukahonga.

Kuenje eci ngenda oku vu angiliyila ocitumalo, njiya vali, ndu wupilili okuti oku ñasi, haiko vu kalavo.
—Yoano 14:3

Esitululo 3:11

Njiya ndopo. Kuata eci o kuete, okuti lomue o ku nyeha ekolowa liove.

Marko 8:38

Momo u o ñuetele osōi, kuenda o kuetele olondaka viange osōi vocitumbulukila cilo ca vakahonga haico ca vakuakandu, Mōlomanu u kuatelavo osōi eci eya vulamba wa Isiaye.

Mateo 24:30

Noke ondimbukiso ya Mōlomanu yi tukuluka kilu, kuenje

apata osi okilu lieve a lila. Va mola Mōlomanu yu iyilila valende okilu lunene lulamba wa lua.

Tiago 5:8

Lenevo pandikisivo. Pami yovitima, momo etukuluko lia Ñala li kasi ocipepi.

Mateo 24:27

Momo ndeci ociliakulo ci tunda kutundilo kuenje cenda toke kutakelo, haico kuiya okutukuluka kua Mōlomanu.

Heveru 9:28

Haicovo Kristu, omo a lumbiwa olumue oku ambata akandu a va lua, oco o moleha onjanja yavali, haku sokiyako akandu, puai oku popela ava vo felevela.

Esituluilo 16:15

Ota, njiya ndocimunu. U ka pekela puāi o lavulula kuenje o lava olonanga viaye ndokuti ka endi epōlōla loku kutiwa osōi, eye wa sumūlūha.

Luka 12:40

Oco ene, liangiliyi. Momo Mōlo-manu iya kola ka wa simili.

Ovilinga 1:11

Va linga vati, Alume va Gailea, nye vu tāilili oku vanja vilu? Yesu u wopiwa pokati kene, yu wa yeluiwa kilu, ndeci wo moli oku enda kilu, haico eya vali.

Mateo 16:27

Momo Mōlomanu iya lulamba wa Isiaye kumue lovangelo vaye,

kuenje o muisa omanu vosi, omunu ndovilinga viaye, omunu ndovilinga viaye.

I Yoano 3:2

A vakuacisola, kaliye tumāla va Suku. Ka ca molehele handi ndomo tu kala. Puāi tua kūliha okuti, eci a tukuluka, tu lisetahala laye momo tu u mola ndomo a kasi.

Luka 21:27

Kovaso yaco va mola Mōlomanu iyilila velende lunene kuenda ulamba wa lua.

Mateo 25:31

Eci Mōlomanu eya lulamba waye kumue lovangelo vosi, oco o tumala kocalo culamba waye.

ONDAKA YA SUKU

Luka 21:33

Ilu losi vi takat, olondaka viange puāi ka vi takata.

Mateo 22:29

Puāi Yesu wa va kumbulula hati, Wa lueyi omo ka wa kŭlī-hili ovisonehua, ndaño unene wa Suku.

II Petulu 1:21

Momo la-umue owanji wova-profeto weya locipango comunu, puāi omanu va kola va vetiyiwa le Espiritu Sandu va popia ondaka ya tunda ku Suku.

II Timoteo 3:16

Ovisonehua vi kola viosi ovitumasuku, kuenje vi silivila

oku longisa, loku lungula, loku pindisa, loku ikisa esunga.

Olosamo 119:11

Nda soleka ondaka yove vutima okuti siu ku sinila.

Olosamo 119:105

Ondaka yove oyo ovela yolo-mai viange, haiyo ocinyi cokojila yange.

Esinumuilo 4:2

Ko ka yukinyi kondaka ndu handeleki, ndaño oku tepululako, okuti vu lava ovihandeleko via Yehova Suku yene evi ndu handeleki.

Olosamo 119:89

A Yehova, ondaka yove yi tumāla hū vovailu.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

www.wmpress.org

11-22

208 Umbundu HFA